



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 33. Alexandri Estensis Cardinalis obitus.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

prime doctus, & si calami mordacita- Sæc. XVII.
 tem excipias, prudens, morumque A. C. 1624.
 comitate suavis. Sub ejus auspiciis
 Romæ *Academia Humoristarum* sua in-
 cunabula habuit.

§. XXXIII.

*Alexandri Estensis Cardinalis
obitus.*

Ejusdem hujus anni die vigesima se- Ciacon. in
vita Clem.
VIII.
pag. 342.
 cunda Maij Romæ decessit Alexan-
 der Estensis, Ferrariæ Dux, qui Patavii
 in liberalibus disciplinis, & Pontificiis,
 Cæsareisque legibus tam uberes fece-
 rat progressus, ut in patriam reversus,
 unicus controversiarum, quæ accide-
 rant, Arbitrarius audiret, quin tamen in
 iis, circa quæ dubitabat, ab aliis con-
 siliium quærere erubesceret. Postquam
 vero Alphonsus II. Ferrariæ Dux sine
 prole decesserat, & Cæsar Mutinæ Dux
 Alexandri Frater, in quem Alphonsus
 successionis jura devolverat, a Cle-
 mente VIII. a Ferrariensi Ducatu Se-
 dis Apostolicæ feudo, eoquod ex ille-
 gitimo thoro susceptus fuisset, exclusus
 fuerat, Alexander ab eodem Papa Car-
 dinalis Diaconus nominabatur, Sacer-
 dotium tamen nonnisi tertio ante mor-
 tem suam anno suscepit, Regiensis
 Episcopus creatus, quam etiam Ec-
 clesiam

Sæc. XVII.
A. C. 1624.
Ecclesiam tanquam benignus filiorum Pa-
rens, oviumque Pastor vigilantissimus
summa sollicitudine regebat, ac pro
Cleri sui restauratione, necnon sacra-
rum Virginum profectu salutaria con-
debat statuta. Pluribus insuper, iis-
que publicis officiis præpositus, ubi-
que illibatum a privato affectu animum,
raramque rei gerendæ dexteritatem
præferebat. Erat quoque erga pau-
peres summopere liberalis, necnon in
Religiosos Ordines præcipue Theatinos
admodum munificus, demum etiam
Regiensem Ecclesiam suam pretiosis
donis vivus, moriens vero sacra Sa-
celli sui suppellectile locupletabat.

§. XXXIV.

*Octavii Rodulphi Cardinalis
extrema.*

*Victor. in
add. ad
Ciacon.
Ughel. Ital.
Sac.*

¶ Idem hoc anno æternitatis viam die
sexta Julii Romæ ingressus est Octa-
vius de Rodulphis patria Florentinus,
qui non minus generis nobilitate, quam
virtutum splendore illustris, cum esset
utriusque, ut vocant, *Signaturæ Refe-
rendarius*, ac Ferrariæ legatus, anno Sa-
lutis nostræ millesimo sexcentesimo
duodecimo Arianensis Præsul nomina-
batur, quam Ecclesiam non modo va-
riis ornamentis, ac restaurato Semi-
nario,